

苏

亭

诗

话

木

亭

樹

椿

蘇亭詩話卷四

錢塘張道少南著

駁辨類下

東坡和黃秀才鑒空閣詩蓋過廣州作末云誰言小叢林清絕
冠五嶺五嶺指嶺南言也今西湖志以咸淳臨安志青芝塢顯
明院舊志有鑒空閣遂移此詩繫其下則五嶺何指耶然胡邦
衡註已引杭州圖經則誤已久矣

王宗稷年譜熙寧五年壬子在杭州通判任十月十二日運司
差往湖州云云及作山村五絕按山村五絕是癸丑二月往新

城時作

王註次公明云熙寧六年作

故詩中有春山笋蕨語此云往湖州則

是初冬矣非也送杜子方詩亦在癸丑秋日烏臺詩案敘夏沈

香事在五年王氏遂入是歲不知詩案特敘杜子方承勘之時

其衝替而去乃在六年秋也且詩題爲送杜戚陳三掾罷官歸

鄉亦非獨送杜子方又熙寧七年甲寅云是年又有潤州道上

過除夜詩兩絕按是年東坡以九月二十日去杭

見別天竺觀音詩序

其

次韻孫巨源詩自註云惟巨源近者復相見於京口而詩有羨

他維月弄舟人句則爲此詩時已渡淮矣十一月十五日到密

州任在郡度歲有除夜病中贈段屯田詩其詩有云數朝閉閣

臥又云此邦聊假館則明是郡齋語王氏以詩題僕年三十九

語遂誤入是歲

題云僕年三十九在潤州道上過除夜作此詩又二十年在惠州錄之以付過不知此

詩乃東坡熙寧六年癸丑以公事往來常潤在道中度歲時作

正集八卷有除夜野宿常州城外詩常之城外卽潤之道上兩

郡接界故元日卽過丹陽詩正同一時作特爾時不相次錄入

耳且其詩有寺官官小未朝參句東坡時繫太常寺博士銜倅

杭州故曰寺官

按此銜見六井記碑末結銜云熙寧七年太常博士通判杭州蘇軾撰子由所撰誌銘宋史本

傳及他書皆失載由太常博士倅杭事

若知密州則必加擢他銜矣安得猶稱寺

官其三十九確爲三十八之譌或東坡誤記也邵氏知不應除

夜仍在潤州道中而不能決其舛謬惜哉

蘅按云是年除夜紀年錄云先生已任密

州年譜云在潤州道上各以先生詩爲据依然考紀年錄是年起元日至除夜記載特詳先生以十月赴密州年譜亦云秋末去杭不應除夜仍在潤州道中姑存疑俟考

又元符二年己卯云有儋州詩萬戶不禁酒三年夷識翁之句

先生丁丑來儋至是將三年矣按此二句爲紹聖三年丙子在

惠州新年五首中句下結云結茅來此住時方營白鶴新居也

王註巖老亦云

其第三首云豐湖有藤菜惟惠州有豐湖第五首云荔

子幾時熟惟惠州有荔支又云明年更有味懷抱帶諸孫則以

新居成當挈家來住次年邁果到惠也東坡自紹聖元年十月

三日到惠州至是整三年故云夷集本作眞餘如臘日游孤山詩應在辛亥而誤入壬子游風水洞詩應在癸丑而誤入甲寅見顧秀才談惠州風物之美詩應在南遷而誤入北歸已爲邵氏所摘

傳藻紀年錄熙寧七年甲寅秋至於潛作毛國華野翁亭綠雲軒於潛女詩又同年臨安令劇飲并所至諸縣有詩按惟贈毛國華詩是甲寅作餘皆癸丑年春日詩其野翁亭一首題云於潛令刁同年野翁亭是時令於潛者爲刁至明年毛乃來替耳安能合爲一人耶

詩中有三年不去煩推擠但恐此翁一旦捨此去句蓋爾時刁已將去縣矣

於潛

女詩有茗溪楊柳初飛絮句

此詩下爲自昌化雙溪館下步尋溪源至治平寺詩有桑枝刺眼麥

齊腰句

若秋日安有此又元豐八年云哲宗卽位八月十七日得

旨除知登州按是年東坡自四月歸居常州五月卽復朝奉郎除守登州然朝旨未到常也至贈穆越州詩有尊前俱是蓬萊守語則在六月以後於是別葛葦王寂而赴任至七月二十五日遇杜介於金山有詩則斷非八月始降除書也

趙雲松十家詩話其第五卷論東坡詩持論極有識而考据未核者時有之如云殺人無驗終不快此恨終身恐難了則送陳睦張若濟詩也按此題爲送杜戚陳三掾罷官歸鄉殺人二句

蓋譏陳張二人者若送字更譏字乃可耳又云其自杭州通判移守密州以熙寧七年秋末去杭而潤州道上過除夕有詩可考按此亦承年譜之譌辨已見前

年譜
條下

又云四月歸常州五月

卽復朝奉郎知登州則在常不過一二月耳又云坡居常不過

元豐八年之四月五月及建中靖國元年之五月至七月而已

按東坡在常答賈耘老詩有東來六月爲子憂句則六月尙在

常也至七月望後始束裝赴登耳自四月至此蓋幾四閱月以

除登之月爲去常之月誤矣又趙氏考東坡北歸卜居常州事

蹟先引與胡修仁書

書見前

云是太平途次尙欲歸許也然是時

仍有居常之意途中與滕達道書云云

書見前

按此時滕歿久矣

所與書乃元豐七年滕守湖州時事趙氏未嘗論世反引此書

自生波折撰爲雖約赴許仍思居常之語其疏莫甚考滕達道

以元祐七年卒東坡在揚州作挽辭云荆溪欲歸老正追敘買

田陽羨事至北歸時整歿十年矣卷末又引途中又與湖守滕

達道書

書見前

與賈耘老書

書見前

皆元豐七年書也又引與千之

姪書

書見前

按此是元豐八年正二月閒抵南京聞朝命放歸陽

羨後所寄亦非北歸時書

馮氏於年譜熙寧六年癸丑下註云東坡全集載先生跋蔡君

謨書海會寺記云熙寧甲寅軾自杭來臨安借觀則往臨安諸縣之在七年無疑紀年錄本不誤查氏移於六年而於海會寺清心堂詩註引此跋語改甲寅二字作六年以附會之誤矣至梁溪漫志云臨安石屋洞崖石上有題名二十五字云陳襄蘇頌孫奕黃灝章孝章蘇軾同游熙寧六年二月二十一日內東坡姓名磨去僅存彷彿蓋崇寧黨錮時也云云考先生六年初次游臨安當在秋閒亦不應在二月況既經磨去姓名卽難定爲先生同游也按馮氏此說誤費補之所書臨安卽杭州以南渡後杭州升爲臨安府也石屋洞與煙霞洞相近隸錢塘馮誤

爲臨安縣非又章孝章費氏原本作曾孝章黨錮作黨禍禍亦作禍

吳垞五總志云王介甫一夕以動靜二字問諸門生諸生作答皆數百言公不然之時東坡維舟秦淮公曰俟蘇軾明日來問之旣至果詰前語東坡應聲曰精出於動神守爲靜動靜卽精神也公擊節稱歎按年譜元豐七年七月東坡過金陵考爾時介甫已退不合有此問吳氏所記疑介甫作字說時事也

紹聖元年甲戌年表言是年正月改元考李心傳道命錄云元祐九年三月丁酉蘇文定自門下侍郎守本官知汝州四月壬

子蘇文忠自中山府安撫使落兩職知英州癸丑改元紹聖范公先已數求去是日除龍圖閣學士知陝州其薦先生蓋遲二蘇公之去而後言之也按時范祖禹有薦伊川之疏據李氏言四月癸丑改元則年表作正月者謬

編排類

蘇詩第四十卷遺詩二十九首爲施氏原本前後雜編不敘次今爲編排之如趙成伯家有麗人云云一首是熙寧八年在密州任詩予以事繫御史臺獄云云二首十二月二十日二首十二月二十八日二首俱元豐二年入獄時詩夜坐與邁聯句一

首是元豐三年在黃州作

東坡別王文甫子辯云僕以元豐三年二月一日到黃州家在南都獨與

兒子邁來

洗兒一首是元豐六年在黃州朝雲於七月二十七日生

子遜作

東坡以詩獄被謫故詩有我被聰明誤一生無災無難到公卿語故知爲生遜作也

西山戲題武

昌王居士一首亦黃州詩東坡居黃時游武昌西山不知屬何

年也讀漢書一首元祐元年在翰林詩送南屏謙師一首元祐

中在杭州作不知屬何年初貶英州一首紹聖元年詩食檳榔

一首或南遷過廣州作或在惠州詩玉糝羹一首擷菜一首儋

耳山一首俱在儋州詩不知屬何年其時無可考次者則有老

翁井一首劉顗宮苑一首

詩本缺

戲作柳公權聯句一首戲作賈

梁道詩一首戲孫公素一首虛飄飄一首劉監倉家一首贈包
安靜二首曹溪夜觀傳燈錄一首凡十二首

續補遺上下二卷是宋牧仲所輯錯雜收錄不復編年殊與施
氏本左戾今稍爲編次之如郭綸初發嘉州犍爲王氏書樓戎
州過宜賓見夷中亂山渝州寄王道祖過安樂山云云涪州得
山胡夜泊牛口牛口見月舟中聽大人彈琴泊南牛口云云江
上看山仙都山鹿畱題仙都觀望夫臺屈原塢過木樨觀萬州
太守云云游三游洞游洞之日云云入峽永安宮白帝廟八陣
磧諸葛鹽井巫山戲題巫山縣神女廟巫山廟云云昭君村過

巴東縣云云新灘新灘阻風江上值雪云云黃牛廟蝦蟆碚出
峽畱題峽州甘泉寺寄題清溪寺夷陵縣歐陽永叔至喜堂渚

宮以上四十二首是嘉祐四年冬東坡侍老蘇舟行適楚其程

由眉山至嘉州入嘉陵江過犍爲縣敘州宜賓縣瀘州重慶府

涪州忠州武寧縣萬州夔州巫山縣歸州巴東縣峽州夷陵縣

以抵荊州也其荊州十首

內第七首有殘臘多風雪荊人重歲時爆竹驚鄰鬼驅儺逐小兒句知東

坡在荊州度歲也

荊門惠泉答荊門張都官維和惠泉息壤詩竹枝歌

荊陽早發夜行觀星漢水萬山隆中竹葉酒鰯魚巖顏碑峴山
襄陽樂府三首新渠詩雙鳧觀許州西湖穎大夫廟大雪獨畱

尉氏阮籍嘯臺朱亥墓以上三十三首則嘉祐五年正月由荆

州陸行經宜城南陽襄陽鄧州唐州葉縣許州洧川縣尉氏縣

而入汴京也

右詩別錄爲南行集時東坡年二十四諸詩骨幹未成書卷亦不如正集之富也

其和子

由岐下詩

序云余旣至岐下逾月知爲壬寅初春也

真興寺閣禱雨

是年春旱正集一卷壬寅二月

詩有春旱憂無麥句又一卷有真興寺閣詩

壬寅重九不預會云云

詩末不分誤作不問

凡二

十三首俱嘉祐七年壬寅在鳳翔簽判任作也其驪山三絕和

子由欲得驪山沈泥硯扶風天和寺大老寺竹閒閣子

有新題

寶雞縣斯飛閣

有麥苗句

重游終南云云

有殘花句

以上皆春日詩又和

子由除日見寄凡十首亦在鳳翔詩但不知屬何年也次韻水